

SANITÉ: La farmacia Pütia é stlûta dai 19 ai 26 de jügn.

SAN MARTIN

En mercui, ai 15/06, dales 17.00, gnide pb. a sié la cortina, da bur tēmp le de do.

En la Festa dles Antlēs é la Gran Mëssa a San Martin bele dales 8.15 y domisdé sunse inviá ala prozesciun ex voto sôLa Crusc pian ia dales 13.30 dala Cialciara.

En la Festa dl Cör de Gejî, tignunse do mëssa la prozesciun eucaristica. Les uniuns é periades da chirî chi che porta statues, bandires y d'ater. Düc nos sun bel inviá da porté pro che la prozesciun garetes. Ma sce düc fej impara cun ligrēza podarunse dí: Ci bela prozesciun ch' al é sté, a lalt de Dî y sciöche desmostraziun de fede.

Ordin dla prozesciun: Crist - Scholars cun la statua dl Bambin y de santa Tarejia - Jogn cun bandira, confarun di jogn, statua dl Agno Custode - Èi cun confarun di èi, statua dl Cör de Gejù portada da chi da Mirî - Stödafüch cun bandira y statua de san Florian, Musiga y Cor de dljia - Mituns y mitans dla pröma comuniun, Sorvidus cun confarun, Prou cun le Santiscim acompagné da cil y linternes - Jones cun bandira, plomac, statua de santa Maria y de santa Notburga - Ères cun confarun dles ères, statua de sant'Anna, ères cun le quant da paura, bandira dles ères, ères dal quant da zacan y les atres ères.

LUNGIARÜ

N dilan fort ales tröpes ères y èi che s'á tut dlaurela da gnì a daidè lavè la dljia, dilan ince a chères che á ofrì le danmisdè. - Bel dilan ince a düc chi che á tut pert ala prozesciun de Jeunn, cis a chi che á dit dant y á porté le crist. Idî S'al paies! En la festa dLes Antlēs orunse ti fá festa ai dui proi da Lungiarü: a siur Vítus Dejaco por so iubileum de 60 agn prou y a siur Fidelis Pezzei por 62 agn prou. Dales 9.30 i acompagnunse te dljia dala scora demez y do la mëssa solēna tignunse la prozesciun eucaristica cun dui vangeli, por chēra ch'al é injunté a chēsta plata l'ordin dla prozesciun da tigní ite.

La Uniun di Seniors da San Martin y da Antermēia inviēia a na incuntada cun le neurologh Gregorio Rungger che baiará dla „Demēnza, sintoms, diagnosa, terapies y prevenziun“ en jöbia, ai 16 de jügn, dales 17.00 tl salf di stödafüch a San Martin. Düc é dēr bel inviá da tó pert.

Dai 13 de jügn inant pón indô jí a cialfé i berbesc y les mëdes dla Ciasa de Palsa, zēnza prenotaziun, mo respetan chēsc regolamēt: Azes ala Ciasa de Palsa ma cun „pass vërt“ renforzé [a) stlüt jö le ziclus primar de vaccinaziun + booster, b) stlüt jö le ziclus primar de vaccinaziun + test negativ, c) varijun + test negativ] Chēsc vëgn controlé vigni iade tl'entrada da n automat che relascia n zetl cun inom, data y orar. Chēsc mësson ti mostré daite al personal che damana do. Daite tla Ciasa de Palsa mësson avēi indos n mascherot, almanco chirurgich. An pó indô jí ti reparc olach'al vëgn perie da sté, tan inant ch'ara vá, te ciamena y da sté le manco ch'ara vá ti gagn salamēnc. Al vëgn aconsié da jí le plü ch'ara vá alaleria!! Präibel tignide ite i orars de palsa di ghesć (11:30 – 14:00) Al vëgn recordé che la Ciasa de Palsa é na strotōra che á da nen fá cun jënt sensibla. I periun porchēl da se tigní avisa ales regoles.



Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

12.06. - 19.06.22 nr. 29

ultimo termo por comunicaziuns: jöbia, dales 20.00

DOMĚNIA DLA TRINITÉ - C

Vāngele do Jan 16,12-15

Te chēl tēmp ti à Gejù dit a sū discepui:

I à ciamò tröp da ves dî, mo sēgn ne sēise nia bugn da porté na te' ciaria.
Mo canch'al vëgn èl, le Spirit dla verité, ves condejaral ite te dōta la verité.
Deache al ne baiará nia fora de sè instēs, mo al dijarà cí che èl alda,
y ves incundará cí che gnará.

Èl me glorificarà;
deache al tolarà de cí che é mi
y ves l'incundará.
Döt, cí che le Pere à, é mi;
porchēl ài dit:
Al tol de cí che é mi
y ves l'incundará.



*Tl Credo professunse nosta fede te n Dî onipotēt,
che á sciöche creatur döt tles mans - chēsta é öna na pert de Dî.
Mo tl medemo tēmp nes mostra Idî te Gejù ince sūa pert debla y vulnerabla -
y chēsta é la pert de so amur.
Chēl che ó bun á debojëgn che so amur vëgnes azeté.
L'amur ne se sforza nia sō. Te so amur é Idî impotēt:
al tēgn ca sūa man y aspeta ch'i la piunse do.
Sce le Pere é sterch y onipotēt, spo é Gejù la pert morjela de Chēl Bel Dî,
che se surandá ala jënt de sūa buna, cina a dé ca sūa vita.
La potēnza y la forza dl amur de Dî podunse spo sintí tla ressureziun de Gejù.
Insciö se completēia un y l'ater.
Al amur che raiēia fora de chēsta uniun ti dijunse Spirit Sant,
che nes condejará te dōta la verité.
Insciö é Idî tla Trinité relaziun y raport de vita y de amur.
Y nos sun inviá da se lascé lié ite te chēsc lian sterch de vita y d'amur. D.W.*

EDEMA	SAN MARTIN	LUNGIARÜ	 I periun do l'intenziun dl Papa tl mëis de jügn I periun do families cristianes, che ares crësces te n amur gran y davert y se santificheies tla vita da vigni de. Chirí ci che döra por dagnora  Sant Antone, t'as dit: Pice é chël che chir ci che passa ia, gran deperpo é chël che á imënt ci che döra por dagnora. Te túa vita sfadiosa da doman cina da sëra aste bëgn tres dan da tü edli Chël Bel Dî, gran y misericordius. Túa fede via te dijô: Gejú vëgn por düc nüsc trus cun nos. Insciö oröste bun zënza confins, insciö sofrîste zënza baudié. To ejëmpl nes motivëia y nes sbürla da chirí Chël Bel Dî te döt, da ne suraodëi nia i püri, da ne dé mai sô la speranza. Deache Gejú é ince nosta forza, nosta vita y nosta ligrëza. Sant Antone, fá ch'i unse ince nos, sciöche tö, dan da nüsc edli ci che döra por dagnora, ch'i ne ti dunse nia massa pëis a ci che passa ia y ch'i ti orunse bun a Idî y ala jënt plü co a döt l'ater. Amen. <i>Theo Schmidkonz SJ</i>
12.06.22 DOMËNIA DLA TRINITÉ <i>Domënia dla Familia</i>	9.00 Corona 9.30 Gran Mëssa <i>por y cun les families (siur Klaus)</i> fam. Hubert y Emma Prousch y + Hilda dl ann + Rosalia Chizzali Ploner	7.50 Corona 8.15 Gran Mëssa <i>por y cun les families (siur Klaus)</i> 11.30 Bato de Michaela de Sylvia y Egon Sorà Bato de Julian de Mariadolores y Matteo Clara 15.00 Corona tla capela de S.Ojöp Fr.	
13.06.22 Lönesc <i>Antone da Padua</i>	19.00 Prozesciun ia Picolin 19.25 Mëssa en onú de Sant Antone		
14.06.22 Dedolönesc <i>Meinrad, Fortunat</i>	19.00 Mëssa en onú de Santa Teresa da Lisieux + Maria Planatscher Trebo		
15.06.22 <i>Vitus (San Vi), Germana</i> Dedemesaledema		7.30 Mëssa dl ann + Sabina Clara + Veneranda Clara Nagler	
16.06.22 Jöbia <i>Benno, Iustina</i>	8.00 Mëssa de rengraz. dla fin dl ann de scora + Robert Chiesa Corona por vocaziuns		
17.06.22 Vëndres <i>Rainer, Adolf</i>	18.30 Adoraziun chita 19.00 Adoraziun deboriada	7.30 Mëssa dl ann + Albino Clara, Brocia dl ann + Filomena Clara, Brocia	
18.06.22 Sabeda <i>Felize, Simplize</i>	20.00 Mëssa prefestia + + Giovanni y Maria Verginer, Chessl + Sepl Flöss, d'Arzó + Mariangel Tavella	18.30 Mëssa prefestia en onú de Santa Maria de rengr. al Agno Custode da na familia dl ann + Franz Clara, Mone + Emilia Frenes	
19.06.22 FESTA DLES ANTLÉS	7.45 Corona 8.15 Mëssa solëna dla Comunité de rengraziamënt dl'Eucaristia 13.30 Prozesciun ex voto sô La Crusc <i>dala Cialciara demez</i> 14.30 Bato de Laura Trebo	Les Antlés – Iubileum de 60 agn prou de siur Vitus Dejaco y siur Fidelis Pezzei 9.30 Ingres dala scora Mëssa solëna cun y por i iubilars Prozesciun eucaristica 15.00 Corona tla capela de S.Ojöp Fr.	